



2014-2019 MAITLAMO



# Re ipaakantse

*Re ntsha Botswana mo dipharagobeng*

Tumalano ya rona le setshaba ka 2014-2019



P O Box 2918, Gaborone  
Plot 364, Independence Avenue, Gaborone  
Tel: +267 3181805

 Follow the Growing BCP

 @bwkgololo

[congresspartybw@gmail.com](mailto:congresspartybw@gmail.com)

[www.bcp.org.bw](http://www.bcp.org.bw)

sms the word DONATE to 16506

## 1. Botswana o santse a le mo dipharagobeng

- Mathata a metsi le motlakase
- Tshenyetso setshaba e ile magoletsa
- Letlhoko la ditiro le shenne meno

- Babereki ba tshelela mo seelong
- Batswana ka kakaretso ba tlhona (go ya ka ba Happy index)

### 1

**"Itsholelo ya rona ea phuthama"**  
BCP yone ya re...  
Itsholelo e e eteletsweng ke beng-gae

- Peeletso mo mafaratlhatlheng a metsi, ditsela, katoloso ya seporo mo mafelong otlhe a a nang le bokgoni jwa itsholelo
- Batswana ka dipalo tse di fetang sephatlho mo lekgolong ba tla akola ditswa mmung tsa bone, pele ga 2019
- Go tla rotloediwa madirelo a ditswa kgomong
- Go tla sirelediwa madirelo a a santseng a gola mo dikarolong di tshwana le tsa semente, ditena, galase le ditswa mashing.
- Go tla nna le molao wa go patika go akarediwa ga dikompone tsa beng-gae mo ditirong tse dikgolo tsa itsholelo.
- Molao wa go beelwa kwa thoko ditiro dingwe go nna tsa beng-gae o tla lejwa sesha gore di akaretse le tsa boleng jo bo kwa godimo
- Mafaratlhatlha a ditsela, ditamo, le motlakase a tla

- tokafadiwa go thusa mo kgolong ya selegae le temo-thuo
- Go tla dirisiwa maranyane a tlhologo jaaka letsatsi go thusa mo go tsa temo-thuo
- Mafaratlhatlha a tsa Bojanala a tla godisiwa gore bojanala bo nne le seabe mo go tsa itsholelo.
- Dikgwebo tsa boroko jaaka di-lodge di tla adimiwa ba ba ikemetseng go di tsamaisa ka fa tlase ga tumalano le puso.
- Ditetla tsotlhe tse di tshwanang le tsa dinepe, letsomo di tla fiwa Batswana mme batswakwa ba di tsenelele fela fa ba itshwaragantse le Batswana.

### 2

**"Letlhoko la metsi le motlakase"**  
BCP yone ya re...  
Tlhabololo le tsamaiso ya tsa kgothetso le metsi

- Dipelo tsa magala di tla akolwa ke beng-gae
- Go tla beelelwa mo ditshekatshokong le tiriso ya mananeo a kgothetso a tlhologo jaaka letsatsi, phefo le masalela a dijjwalo.
- Malwapa le dikompone tse di tla dirisang kgothetso ya tlhologo a tla thusiwa ke puso



- Go gweba ka tsa kgothetso go tla bulelwa mongwe le mongwe mme go nne le lekalana le le ikemetseng le le tla tlhomamisang boleng le ditlhotlha.
- Morupule B e tla dupiwa go bona gore tshenyo e e diragetseng e kana ka eng.
- Matamo le matangwana a tla agiwa mo mafelong a a farologaneng go thusa mo go tsa temo thuo le tsa malwapa.
- Tiriso ya matlwana a boitiketso a mahuti e tla fedisiwa segolo jang go bapa le metswedi ya metsi
- Tiriso e e tletseng ya metsi a Chobe le a mangwe e tla rotloedwa

### 3 “Letlhoko la ditiro le ile magoletsa, babereki le bone ba mo selemo” BCP yone ya re... Mafelo a pereko a a lolameng le dituelo tse di nang le seriti

- Thulaganyo ya go ipuelela ka moonoo wa tshwaragano ya babereki e tla nna yone ya konokono mo tharabololong ya tsa pereko le dituelo.
- Lephata la tsa pereko le tla ema le le nosi. Mme e bile le tla itebaganya le melao ya tsa pereko le thulaganyo ya go rolela beng-gae ditiro.
- Makgotla a babereki a tla tsewa tsia thata ebile e le bontlha bongwe jwa maano a go tokafatsa itsholelo.
- Tharabololo ya dikgotlhang tsa pereko e tla ntshiwa mo lephateng la tsa pereko mme e ikemele e le nosi. Tharabololo ya dikgotlhang e tla fefoswa fela thata.
- Lekalana le le ikemetseng la tharabololo le tekodisano le tla tlhlongwa mme le fiwe dithata tsa go rarabolola dikgang ka bofefo.
- Lekgotla la ditshoko la tsa pereko le tla ntshiwa mo lephateng la tsa pereko mme gape go tlhomiwe le lengwe la boikuelo le lebagane le tsa pereko.
- Babereki ba tla duelwa go lebilwe letlhoko la tsa matshelo .
- Go tla nna le molao oo pateletsang gore go nne le penshene ya mmereki mongwe le mongwe.
- Tebego ya babereki ba ditiro tsa konokono (essential) e tla tokafadiwa go tsamaelana le ditsamaiso tsa komiti ya ILO ya 1994. Babereki ba tla thusiwa go nna le diabe mo dikomponeng tse di tona tsa setshaba.

### 4 “Thuto e na le mathata” BCP yone ya re... Go tlhomamisa setshaba se se rutegileng ebile se na le bokgoni

- Thuto ya konokono(Basic) e tla akaretsa ya masea, dikolo tse di potlana, tse di fa gare le tse dikgolwane.
- Thuto e e botlhokwa e tla patelediwa e bile e le mahala.

- Dikolo tsotlhe di tla fiwa dikitso tsa maranyane a ditlhaeletsanyo le mafaratlhatlha a tsone.
- Go tla nna le keleko ya boleng jwa thuto mme bo tsamaisiwa ke makalana a a ikemetseng.
- Teme ya letsele e tla dirisiwa e le yone ee tsamaisang dithuto mo baneng ba ba santseng ba le ba botlana mo mafelong a a farologaneng.
- Barutabana botlhe ba tla nna le dithuto tsa digarata kgotsa go feta.
- Dikolo tsa dikholetshe di tla nna le dithuto tsa digarata.
- Khansele kgotsa lekgotla la borutabana le tla tlhomiwa.
- Barutabana ba tla duelwa mo go lebaneng.
- Lenaneo la thuto le tla gatelela thuto ya diatla le gone go itirela ka diatla tota.

### 5 “Mathata a lefatshe le boroko/ bonno” BCP yone ya re... Kabo ya ditsha ka tekatekano le go fiwa bonno jo bo nang le seriti

- Go dupiwa ga lefatshe le ditsha mo go tseneletseng go tla diragadiwa.
- Tlhabololo ya lefatshe la beng e tla patelediwa.
- Tsamaiso ya lefatshe la selegae e tla fetolwa go nna le di title deed.
- Kabo ya lefatshe kgotsa ditsha go sena ditlamelo ga go na go letlelelwa ka fa molaong.
- Go emela go abelwa lefatshe go tla fokodiwa go fitlha mo ngwageng ka 2018.
- BHC e tla fetolwa go itebaganya le go agela batho matlo a a lekanetseng itsholelo ya bone.
- Maitlamo a BHC a tla fetolwa go tswa mo kgwebong go itebaganya le ditlhokego tsa benggage.
- Dikgwebo tse di ikemetseng tse di tla rotloetsang babereki go nna le bonno di tla kgothatswa ka go di fokolotsa makgetho.
- Lekgetho la VAT mo thekong ya bonno le tla phimolwa mo go ba ba rekang e le lwantlha.
- Matlo a a hirisetwang batho a tla beelwa selekanyo sa ditefo ke puso.

### 6 “Thulaganyo ya botsogo ea tura; seemo sa botsogo se wetse tlase” BCP yone ya re... Thotloetso ya setshaba se seitekanetseng

- Molao wa tsa botsogo o tla lejwa sesha go ntsha dintlha tse di tsuololang ditshwanelo tsa setho.
- Ditlamelo tsa botsogo di tla nna mahala kwa maokelong.
- Babereki ba tsa botsogo ba tla fiwa dithuto tsa maemo a a kwa godimo.

- Babereki ba tsa botsogo ba tla duelwa mo go kgotsofatsang ebile go le botoka go na le gompieno.
- Palo ya Babereki ba tsa botsogo e tla okediwa kwa madirelong a tsa botsogo.

### 7 “Puso ya batho ka batho e gateletswe” BCP yone ya re... Tlhomamiso ya tsamaiso e e lolameng

- Go tla tlhlongwa lekoko le le tla lebang sesha molao motheo.
- Kgololesego ya bobegadikgang e tla tlhomamisiwa mo molao motheong mme palamente e kganelwe go dira melao e e kgoreletsang bobegadikgang.
- Bogasi jwa puso, e leng seromamowa le thelebshine, di tla fetolwa go nna tsa setshaba mme di tsamaisiwa ke diboto tse di ikemetseng
- Bobegadikgang jwa dikgatlhego tse di farologaneng go akaretsa diromamowa bo tla letlelelwa.
- Go tla tlhlongwa lekoko le le ikemetseng le le tla lebelelang ditsamaiso tsa palamente.
- Maemo a motsamisa palamente a tla tlhomamisiwa jaaka boeteledipele jwa palamente.
- Ditiragalo tsa palamente di tla gasiwa ka tlhamalalo mo thelebshineng.
- Khuduthamaga ya puso e tla tlamega go diragatsa ditshwetso tsa palamente.
- Moeteledipele wa palamente o tla sirelediwa mo molao motheong mme a okamelwe ke motsamaisa dipuisano tsa palamente.
- Kemedi mo lekokong la tsa tshiamiso (justice) e tla lejwa sesha.
- Mosiamisi mogolo (Chief Justice) o tla nna moeteledipele wa tsa tshiamiso le kgotla ya boikuelo.
- Go tla nna le kabakanyo ya ditsamaiso tsa ditlhopo tsa mofenyi o tsaya gotlhe le ya tekatekanyo ya kemedi (PR).
- Lekgotla le le tsamaisang ditlhopo le tla itsamaisa.
- Diphathi tsa sepoloitiki di tla fiwa madi ke puso.
- Mosireletsi wa setshaba le modupi mogolo ba tla arabela ditiro tsa bone ko palamenteng.
- Molao wa kgololesego ya dikitso o tla tlhomiwa
- Dituelo tsa badiri ba tsa itshireletso go akaretsa ba sepo didise le dikgolegelo di tla tokafatsa.
- Babereki ba tsa dikgolegelo ba tla tlhokomelwa botoka
- Go tla nna le dikatlaholo tsa go direla setshaba go fokotsa mosuke wa dikgolegelo.
- Makalana a dikhansele a tla letlelelwa go itirela ditlamelo le go ikgobokanyetsa madi.
- Ditirelo di tla phatlaladiwa go ya ko dikhanseleng

### 8 “Banana ba ba nang le boitlhbogo” BCP yone ya re... Tlhabololo ya tsa metshameko le tokafatso ya banana

- Banana ba tla segelwa ka fa lehureng go fitlhelela ditlamelo tse di rileng.
- Go tla tlhlongwa lekalana la ditlhabololo tsa bogwebi kgotsa go itirela la banana.
- Dikompone tse di tla hirang banana ba ba ko tlase ga dingwaga tse 36 di tla fokoletswa lekgetho.
- Go tla tlhlongwa mafelo a tlhabololo ya dikitso tsa banana.
- Metshameko e tla fefoswa go nna le dipoelo.
- Go tla nna le thulaganyo ya go epolola le go nonotsha talente ya banana mo mohameng wa tsa botlhami.

### 9 “Bomme ba santse ba le ka fa mosing” BCP yone ya re... Thotloetso ya tekatekanyo ya bong

- Lephata la tsa tlhabololo ya bong, ngwao le selegae le tla tlhomamisa go akarediwa ga tsa bong mo maphateng otlhe.
- Lenaneo la thuto le le itebagantseng le go rotloetsa tekatekanyo ya bong le tla simolodisiwa.
- Maitlamo a SADC (Protocol) a tla amogelwa a be a diragadiwe.
- Dikompone tse di tla rotloetsang ditiro tsa bomme di tla fokoletswa lekgetho.
- Go tla nna le dithuto tsa boeteledipele le go rotloetsa bomme segolo jang mo dipolotiking.
- Go tla nna le thulaganyo ya kabomo go tlhoma bomme fa pele gore kemedi ya bone e bonale.

### 10 “Tsa mafatshe a sele” BCP yone ya re... Tsa mafatshe a sele le papadisano ya mafatshe

- Papadisano e tla nna pinagare ya tirisano ya lefatshe leno le a mangwe.
- Go tlhlongwa ga baemedi ba lefatshe kwantle go tla bo go beilwe mo bokgoning jwa bone go ngoka babeetsi.
- Botswana Development Corporation e tla nna lekalana la puso la dipeeletso.
- Lefatshe la Botswana le tla tsaya karolo mo ditirong tsa mafatshe le makgotla a boditshaba go tokafatsa tsamaiso ya lone.
- Botswana o tla tsaya karolo mo mogopolong wa Africa wa thotloetsano (APRM).